

DIE EIKE KAFEE

(Eienaar: van der Wes.)

STUDENTE:

Kom na die Eike vir vars vrugte, sjokolade en tabak.

Ons waardeer u ondersteuning en verseker u van ons beste dienste.

DIE MATIE

Gedruk deur Pro Ecclesia-Drukkery en uitgegee deur die A.N.S.-Tak Stellenbosch

VILJOEN

se fietswinkel sal u fiets weer repareer. Bring dit net. FIETSE EN FIETSPARTE NOU IN VOORRAAD. Alles teen die billikste terme. Onthou—
Net langs Suikerbossie.

STELLENBOSSE STUDENTEKOERANT.

ORGAAN VAN A.N.S.-TAK.

DEEL I, No. 14

WOENSDAG, 29 OKTOBER 1941.

PRYS 1d.

Eerste Oratorium in Afrikaans.

DIE AANSTAANDE UITVOERING VAN HAYDN SE SKEPPING.

Hans Endler maak Geskiedenis.

Met die uitvoering van „Die Skepping” van Haydn, onder leiding van Hans Endler, vanaand in die plaaslike stadsaal sal Stellenbosch andermaal geskiedenis maak. Die oratorium sal vir die eerste keer in Afrikaans gesing word, 'n vertaling van dr. Con de Villiers. Daar bestaan geen twyfel dat die uitvoering 'n reuse sukses sal wees nie en g'n een durf die kans laat verbygaan om Haydn se toonsetting van die aangrypende Bybelse skeppingsverhaal te hoor nie. Die deelnemers is byna almal plaaslike talent, waaronder 'n groot aantal studente. Daar is 'n koor van omtrent 130, 'n volle orkes en drie soliste uit Kaapstad, Gladys Hugo (sopraan), wat op Stellenbosch reeds goed bekend is, Boris Rome (tenoor) en John Andrews (bariton).

Vir Hans Endler sal die uitvoering ook 'n mylpaal wees, want hoewel hy Haydn se oratorium al verskeie kere in die verlede op Stellenbosch uitgevoer het, sal dit die eerste keer wees dat een van sy groot uitvoerings in die nuwe stadsaal plaasvind. Die groter ruimte op die verhoog van die stadsaal maak dit moontlik om die koor en orkes geriefliker te rangskik as wat ooit moontlik was in die Konservatorium-saal. Die groter saal is ook baie meer geskik vir die klank-massa van koor en orkes. Ons kan ook net noem dat daar reeds veel meer plekke bespreek is vir die konsert as wat daar in die Konservatorium-saal is. Hier is Endler gaan dus by hierdie uitvoering 'n groter gehoor hê as wat hy nog ooit op Stellenbosch gehad het.

INTERESSANTE GEBEURTENISSE

Herr Endler vertel interessante staaltjies van sy vorige uitvoerings. Eenmaal sou „Die Skepping” uitgevoer word en hy het vooraf aan die opsigter van die Konservatorium gesê dat hy aan die begin wanneer daar nog chaos en duisternis op die aarde heers, die ligte in die saal dof moes maak, en waar die koor sing „en daar was lig” moes hy die ligte skielik helder laat skyn. Hy vertel dat selfs met die asetelien-ligte van daardie dae die indruk op die gehoor geweldig was. Vandag beskou hy die musikale gevoel van die Stellen-

bosse publiek en die studente te fyn ontwikkel om op hierdie manier indruk te maak.

By 'n ander geleentheid was daar 'n baie beroemde sangeres om een van die solo-gedeeltes waar te neem. Sy het op een plek verseg om te sing soos Herr Endler dit wou gehad het. Naderhand wou sy glad nie meer sing nie en dit het gelyk asof die hele uitvoering sou misloop. Oorlede Monsignor Kolbe was teenwoordig en sê toe aan die sangeres: „Hoe jammer tog dat Herr Endler nie jonk en sterk soos Handel is nie, dan sou hy Handel se voorbeeld kon volg en u kon optel en by daardie venster kon uithou en vir u sê „As u nie wil sing nie, laat ek u onder op die gruis val.” Almal was so ge-amuseer deur die beeld van die prima donna wat lug trap buite een van die Konservatorium vensters, dat drifte afgekoel het en die uitvoering glad verloop het.

Die ouers van etlike van Woensdagaand se koor- en orkeslede het in die verlede onder Herr Endler gesing en gespeel, want hy het reeds vir meer as 30 jaar byna jaarliks 'n groot musikale uitvoering onderneem. Hierdie pogings van Herr Endler het vir die geslagte van die studente veel beteken, en 'n groot invloed uitgeoefen op die musikale lewe op Stellenbosch en oor die hele land. Herr Endler hou egter vol dat sy beloning is die geesdrif—of soos hy sê „die Begeistering”—van sy koor- en orkeslede.

Suikerbossie Melksalon.

HOOFKWARTIER
van
GESONDHEID

Ligte Etes, Melkdranke
(warm en koud), Koffie,
Tee en Lekkers.

Onder persoonlike toesig van

OOM HUGO.

Gebroeders De Wet

(EIENS.) BPK.

ALGEMENE HANDELAARS,
SPORT-UITRUSTERS EN
PRAKTIESE SNIJERS

Offisiële agente vir al die Universiteits Kleure.

Huidige Studente wapens 7/6.

Oudstudente Wapens 10/6.

Kleurbaadjies gemaak na maat 24 kontant.

Bestel dadelik, voorrade word min.

Gebrs. De Wet (Eiens.) Bpk.

h/v. Kerk- en Birdstraat.
STELLENBOSCH.
Posbus 21. Foon 20.

APTEKERS

Ons bied u deskundige bediening en betroubare medisyne aan. Deskundige Fotografiese Handelaars.

Maak gebruik van Ons Vlugge Fotografiese Posdiens.

Joerning en Seun

(Eiens.) Bpk.,

Hoek Bird- en Pleinstraat,
STELLENBOSCH.

Laaste Uitgawe

Die naderende eksamens het die algemene studente-bedrywigheid tot 'n stilstand gebring. Met hierdie uitgawe neem „Die Matie” dus afskeid vir vanjaar. Aan almal wat nou eksamens doen wens „Die Matie” 'n vrugbare bloktyd, geslaagde eksamens en 'n aangename vakansie toe, en aan die wat Matieland vir goed verlaat veel geluk en voorspoed.

Betrekkings met Wits verbreek.

Afrikaners aan U.K. van ons Steun Verseker

Op 'n monstervergadering, verlede week, is besluit om alle betrekkinge met Wits te verbreek. Dit beteken, volgens die Voors., mnr. Pauw, dat ons aan geen interuniversitêre byeenkoms kan deelneem, waarby Wits betrokke is nie.

Die besluit lui as volg:—

Na aanleiding van ontwikkelings m.b.t. die Fort Hare-geskil en op grond van ons standpunt t.o.v. segregasie aan die Suid-Afrikaanse Universiteite verklaar ons hiermee as Studenteunie van U.S. dat ons ons heelhartig skaar aan die kant van ander Afrikaanse Universiteite en die Afr. minderheid aan Wits. en dat ons alle betrekkinge op sport- en akademiese gebied met Wits. as afgebreek beskou.

Wat ons verhouding tot U.K. betref, sal ons die normale betrekkinge as afgebreek beskou wanneer U.K. hulle liberale beleid i.s. segregasie in so 'n mate tot toepassing gebring het dat die posisie van die Afrikanerminderheid aldaar onhoudbaar geword het en hulle hulself verplig voel om met hulle eie Universiteit te breek.

Verder sal ons alle pogings aanwend om nouer betrekkinge aan te knoop met genoemde Afrikaanse Universiteite en Afrikaanse minderhede.

Onthou
„DIE SKEPPING”
Vanaand.

Verklaring van Kaapse A.N.S.-Takleier.

U.S. laat Afrikaners in Die Steek

Die mosie i.s. die Fort Hare kwesie, aangeneem op 'n vergadering van die A.N.S., U.K.-tak op 7 Oktober l.l. (L.W.: d.w.s. twee weke voor die jongste U.S.-tak vergadering) lok baie kritiek uit onder U.S. studente. Daar word beweer dat die U.K.-A.N.S. inkonsekwent gehandel het deurdat hulle nie besluit het om alle verhoudings met U.K. af te breek nie, maar daarenteen 'n kompromis-mosie opgestel het, gegrond op die uitslag van die referendum.

Die mosie waarna verwys word, is so opgestel omdat:—

(1) Die antwoord op 'n versoek van Afrikanerstudente alhier, oorhandig aan mnr. T. Pauw, voorsitter van die U.S. Studenteraad, nl. dat die U.S. dadelik alle verhoudings met die U.K. moet afbreek, die bewys was dat ons nie die ondersteuning van die U.S. geniet het nie, toe daar van hulle kant besluit is om liever met die vyand te onderhandel, dan om met hom te breek.

(2) Ons as Afrikaners aan die U.K. deur verbrekking, baie meer sal moet opoffer as die studentegemeenskap van Stellenbosch veral daar die steun van hulle kant ontbreek het.

(3) Die, deur hulle (U.S.) voorgestelde onderhandelings met die Uitvoerende Bestuur van die U.K.-S.R. so 'n dubbelsinnige resultaat gelewer het—die referendum uitslag.

Ek ag dit uiters betreurenswaardig dat dié Universiteit wat homself die bakermat van die Afrikanerdom noem, op die rypste oomblik, toe die ondersteuning van die oorgrote meerderheid van Afrikaner sportmanne van die U.K. verkree was, geweier het om sy gewig in die stryd te werp—die stryd van die Afrikanerstudent van die U.K. om los te breek van die liberalistiese negrofilieste.

A. B. W. FEIRREIRA,
(Leier, A.N.S.-tak, U.K.).

Mnr. Tappies Möller, primarius van Dagbreek, ly nog steeds aan „Aangename-verrassing skok” wat opgedoen is by Monica toe die ander Monica onverwags verskyn het.

MATIES!

Hier is nuus—U EIE UNIVERSITEIT SE WAPEN is nou verkrygbaar soos goedgekeur deur die Senaat van die Universiteit en word aangebied deur

Stabilis Agentskappe en

Beleggings-Maatskappy
Grootte Kerkgebou 314,

Bus 1527, KAAPSTAD.

Teen die volgende pryse

£1-5-0 aan huidige studente.

£1-10-0 aan oudstudente en docente.

6/- per wapen word afgestaan vir die voorgestelde ingenieursfakulteit.

Plaasbestellings by

Dick Terblanche, p/a. mev. Woodbourne, Joubertstraat, Stellenbosch.

VAN ZYL

Posbus 233. Foon 791.

DIE SPORT HUIS

van die

P A A R L .

Raadpleeg ons vir

MANSKLERE

asook

Enige soort Sport-
benodighede wat die
seun of man nodig
het.

DEUR DIENS GROEI ONS!

„Die Uitspan.”

Kom Span Uit en Rus, en
Geniet U Verversings en

Etes by

„DIE UITSPAN.”

Ons Personeel is tot 1/1
Diens.

Ons Terme is Billik.

Van der Stel Fietswerke

(Eienaar: PAUL ACKERMAN)

Studente!

Ondersteun jul ou Fietsdokter

Alle werk gewaarborg.

Hou Koers Reguit na—

PERL SE APTEEK

CUTHBERTGEBOU,

Pleinstraat,

STELLENBOSCH.

Vir al u Medisyne,

Toilet en Fotografiese

benodighede.

Melk is goed vir almal.

Plaas u bestellings
by die

Beltana Melkery

FOON 123,

of by die depots

Die Eike Cafe

of

14 Birdstraat,

FOON 155.

Eienaar: DANIE JOUBERT.

ROUX BROERS

(Eiens. Bpk.)

ATLAS-GEBOU, KAAPSTAD.

Volledige Mans- en Damesuitrusters
en Kleremakers.

DIE MATIE.

Redakteur: W. A. Joubert.
Ass.-Redakteur: P. A. Theron.
Besigheidsbestuurder: S. P. Botha.

DEEL I. 29 OKT. 1941. No. 14.

Ons Republiek

Die stryd van die Afrikaner is vandag 'n stryd tussen die onvervalste Republikanisme „opgroeiende op den wortel van ons volkshistorie” en die Britse liberalisme.

Die Britse liberalistiese volksbegrip is nie 'n organiese volksbegrip nie. Volgens die liberalistiese opvatting is die volk maar net die som van losstaande „selfstandige enkelinge en die staat is net daar om toe te sien dat die enkeling in sy vryheid om te doen en te laat wat hy in sy belang ag, nie dieselfde reg van die ander in die staat aantast nie. Daar word dan ook geen verskil tussen lede van verskillende kulturele organiese volksgemeenskappe, in dieselfde staat, gemaak nie. Die „volk” is al die onderdane van die staat en die „algemene wil,” die „volkswil” word 'n regering saamgestel om die regte van elke burger te handhaaf, dog die hoogste gesag berus by die „volk.” Die „volk” kom bymekaar, stel die „algemene wil” vas, gee opdragte aan die regeerders en die regeerders moet uitvoer. Die eintlike staatsgesag berus dus eintlik by die „volk.”

Daarenteen is die gesin, op grondslag van die huwelik, vir die Afrikaner 'n hegte organiese eenheid. Die vader is die hoof en gesagdraende van die gesin. Hy ontleen sy gesag aan God, vir die uitoefening waarvan hy regstreeks aan God verantwoordig is. Die moeder neem egter nie 'n minder waardige plek in nie maar is die raadgewer en hulp van die vader. So het elke lid van die gesin 'n besondere plek en 'n besondere waarde in die gesin.

Hierdie inhoud en vorm van die patriargale gesinslewe vind ons terug in die Afrikaner Republikeinse staatsbeskouing wat die duidelikste gestel is deur Paul Kruger. Hy het gestaan vir die apartheid van 'n organiese Afrikanerdom gebind deur 'n gemeenskaplike vaderlandsliefde, bloed-, taal-, kultuur- en tradisiebande en die geloof aan 'n afsonderlike Goddelike bestemming onder die volke van die wêreld.

Aan die hoof van die regering, „die Republiek opgroeiende op den wortel onzer volkshistorie” staan die Staatspresident wat die werklike gesagdraende is soos die vader die gesagdraende is in die patriargale gesin. Die gesag om te regeer het hy nie in die eerste plaas van die volk ontvang nie maar is hom deur God beklee om die volk te regeer ooreenkomstig sy verordeninge.

So verklaar Paul Kruger: „Ik sta hier heden voor U, gehoorzamende aan die stem des Volks, in dewelke ik ook meen de stem Gods te herkennen, om wederom als Staatspresident het bestier van het Land op my te nemen.” Verder: „Alzoo aanvaard ik dit ambt in de vreeze Gods, in oprechtheid ja, het is my innigste begeerte en wensch des harten om voor Hem te leven, en het volk te regeren naar Zyner wil.” Die Staatspresident is dus geroep deur God tot dié belangrike regeringsamp om „het Volk te regeren naar zyner wil” en dus in die eerste plaas verantwoordig verskuldig aan Hom wie hom daartoe geroep het. In die praktyk was die president dan ook nie 'n blote administratiewe amptenaar wat net besluite moes uitvoer nie. Nee, in hom het die hoogste regeringsgesag in die praktyk berus. Hy was beide regerings- en staatshoof. Hy het die reg gehad om wetgewing in te dien en was dan in die praktyk ook feitlik die enigste indieneer van wetgewing en is selfs deur die Volksraad voortdurend vertolk om wets-

ontwerpe oor sake op te stel. In die Vrystaatse Republiek, so merk dr. Scholtz op, was daar „'n hele paar keer botsings tussen die Volksraad en die President, maar dis merkwaardig dat dit iedere keer die President was wat die oorwinning behaal het.”

Soos die vader van die gesin die gesagdraende in daardie organiese eenheid is, so is die Staatspresident die gesagdraende in die organiese volkseenheid, beide se gesag ontleen in die eerste plaas aan God en dus in die eerste plaas verantwoordig verskuldig aan God en nie aan die gesin of volk nie.

In die Vryheidsmanifes van die A.N.S., gebaseer op die republikeinse ideaal wat die siel van die Boerevolk is en nie die skepping van A.N.S. nie, leer ons daarom: „Die Unie van S.-A. word omgeskep tot 'n Republikeinse Staat waarin die President deur die volk uit 'n bepaalde tyd verkose en verantwoordelik aan God alleen, met die bystand van 'n Uitvoerende Raad en Volksraad van gebieds- en beroepsvertegenwoordigers, 'n regering van gesag sal voer.”

Totsiens

Met hierdie uitgawe word die eerste jaargang van „Die Matie” afgesluit. Die mate van sukses wat „Die Matie” gehad het is te danke aan die welwillendheid waarmee dit deur almal ontvang is en die ywer en samewerking van die redaksie.

Mnre. Johann Pauw, M. A. Hough en Joz. Theron, almal baanbrekers, het 'n tyd gelede nie meer hul weg oopgesien om op die redaksie te dien nie. Vir hulle dienste, wat baie bygedra het tot die sukses van die blad, wil ons hulle hartlik bedank.

Aanstaande jaar sal ons ook moet klaarkom sonder die bekwame medewerking van mej. Marie Reyns wat Stellenbosch nou verlaat. Ons hartlike dank aan haar en mag sy met haar verdere loopbaan net soveel sukses hê as met die „Onder Onsies.”

Dan wil ons ook 'n woord van dank rig aan al ons lesers, medewerkers en adverteerders. Hulle bydraes sal aanstaande jaar weer baie nodig en welkom wees.

Dringende Oproep om Grootmoedigheid

Op Juniordag het 'n beeld van Oom Paul uit Huis-de-Villiers verdwyn. Daar dit 'n baie kosbare besitting is van mev. Dreyer, sal sy dit hoog op prys stel as dit weer teruggebring word.

„Ons glo aan die Gesag. Dit is 'n werklikheid en 'n noodwendigheid: is dit eenmaal verloor, dan keer dit tog spoedig terug; word dit eenmaal bestry, dan maar net om deur ander gedra te word. Dit is 'n Reg en 'n Amp, — 'n amp, wat homself opdra as hy nie uitgeoefen word nie; 'n reg wat in die welsyn van die gemeenskap die diepste wortel. En dit is 'n geskenk van die Voorsienigheid; want sonder gesag is onder mense geen samelewing en geen inrigting moontlik nie. In familie, skool en kerk, in werkplaas en vereniging, in leër en staat is gesag nie doel op sigself nie, maar diens aan ander; geen reg nie, maar 'n opdrag. Voordele bied dit net in dié mate waarin dit goed doen, en waarin sy eise vervul word. Daar dit nie onfeilbaar is nie, moet sy werking beoordeel kan word; tog is dit minder gevaarlik om geen kritiek te duld nie as om nie in staat te wees om dit deur te voer nie. Ons Glo aan die Gesag.”

Oliveira Salazar.

“EX LIBRIS”

Ds. T. N. Hanekom.

ONVERWAGTE TEENSTAND

Neh. 2:20. — „Die God van die hemel, Hy sal ons dit laat geluk, en ons, sy knegte, sal ons klaarmaak en bou; maar julle het geen reg of deel of gedagtenis in Jerusalem nie.”

Die vorige keer het ons daarop gewys dat Nehemia met groot versigtigheid teweerk gegaan het. Hy het eers sy binnekamer besoek en toe voorbereidings begin tref aan die hof van die koning. Hy het gebid en gewerk en so homself gewapen teen duisend eensydighede. Sy taak was so belangrik dat onversigtigheid en verkeerde ywer dwaasheid sou wees. Daar was te veel op die spel. So het hy dan na Jerusalem op reis gegaan om sy taak te aanvaar. Die toestand daar was werklik treurig, nog erger as wat hy gehoor het. Sy werk was baie swaarder as wat hy vermoed het. Veral die onverwagte teenstand was 'n versperring op sy weg. Die heidense Perse was gunstig teenoor sy planne, en, al was dit swaar om gunste van Perse te vra, tog kon hy met die guns van die Persiese owerheid baie uitrig vir sy volk. Maar, soos dikwels in die geskiedenis gebeur, het die swaarste teenstand van sy eie mense, van mense wat volksverwant met Israëel was, gekom. Dit het hy nie verwag nie. Solank die mure en die poorte in Jerusalem so gelaat is, so stukkend en verbrand, was hierdie mense tevrede en baie goed bevriend met die Jode, maar toe hulle hoor van 'n man wat gekom het om „iets goeds” te soek vir sy volk, het hulle dadelik in verset gekom en begin om die hervormingswerk te dwarsboom. Hulle sal vriende met Nehemia bly, maar dan moet ook die mure en die poorte so bly. Nehemia moet hulle vriendskap koop met die smaad van sy volk. Anders sal hulle hom beveg!

So het hierdie eertydse „vriende” dan opgetree teen Nehemia, die Godsmen en die volksman. As hy gekom het om vir hulle te preek, dan is dit goed. Maar hy mag nie ook werksaam wees nie. Hy moet net bid vir sy volk maar hy mag nie werk vir hulle, moet bly in sy binnekamer en weg van die mure en die poorte af. En omdat hy dit nie wou doen nie; omdat hy geweier het om daardie „heilige handstransaksie” deur te voer; omdat hy die smaad van sy volk groter wens geag het as die vriendskap van verraaiers, het hulle hom beveg.

As eerste wapen het hulle aangewend die bespottings. Hulle het probeer om hom belaglik te maak voor sy volk en in sy omgewing. En, om daarby aan te pas, het hulle ook gebruik gemaak van verdagmaking van hierdie Godsmen, en tewens volksman, by die koning. Dit is 'n ander ou-beproefde wapen. Daarom het hulle die storie rondgelaster: hy wil rebelleer teen die koning. Hy is besig met 'n opstand.

So gaan dit dikwels in die geskiedenis van 'n volk, ook in ons eie dierbaar vaderland. Die wapen van die spot is ook teen ons gebruik. Ons optrede en ons protes teen heersende wantoestande is met die karikatuur begroet. Die „backvelder,” die „dopper,” is voorbeelde van sulke karikatuurbeelde wat geteken is van daardie deel van ons Boerevolk wat, hoewel eenvoudig en ongekunsteld, geweier het, om te val voor die versoeking van die vreemde en vyandige „vriendskap.” Hulle is bespot. Die karikatuur is altyd 'n sterk wapen! En die tweede, daaraan gevolg, is die verdagmaking. Alles wat jy doen vir jou volk is verkeerd. Jy mag nie volksspele bywoon nie. Dit is dans! Jy mag nie Reddingsdaad- en Helpmekaar werk doen nie.

Rook Springbok Sigarette.

Onder Onsies.

Gedurende verlede week het prop. Alie van Jaarsveld, tans van Calvinia, 'n dag of wat alhier deurgebring en verskeie van die ou bekendes besoek.

* * *

Toe mej. Noëll Grobbelaar van Huis-de-Villiers, voorverlede Saterdag die Junior-redenaarsbeker gebuit het, was dit vir die derde agtereenvolgende jaar dat 'n studente van die Departement van Sosiologie 'n redenaarsbeker verower. Die voriges was mej. M. (Lobby) Greef (1940) en mej. Oeloe Vorster (1939), albei indertyd van Huis-van-Niekerk.

* * *

'n Oud-bekerwener van die Unie-Debatsvereniging, mnr. A. J. M. Fourie, is tans die bestuurder van die Studente-onderneming, die „Eikestad.”

* * *

Na verneem word sal „Die Skeping” ook in Kaapstad uitgevoer word.

* * *

Saterdaggaand het mnr. Johann Pauw van Wilgenhof, die Ope-Redenaarskompetisie verower met mej. Elise Coetzee van Harmonie, en mnr. Nic. Olivier van Dagbreek, in die tweede en derde plekke onderskeidelik. Na verneem word ag Huis-ten-Bosch dit as 'n persoonlike prestasie.

* * *

Vir oulaas het 'n aantal van die Juniors van 1941 verlede Saterdaggaand byeengekom om re-unie te hou en die Lentebande weer styf te span.

* * *

Nadat lank suksesvol geheim gehou is op eg-vroulike wyse, het dit eindelijk uitgelek dat mej. Marthie Burger van Huis-de-Villiers, 'n tydjie gelede haar geboortedag herdink het. Voorheen was dit alleen bekend aan enkeles soos mnr. Tat Steenkamp e.a.

* * *

Vrydagaand het die Jokkelokke en Tokkeliëte 'n besonder jolige dans gehou waarop alle lektore en lektoriese en gades teenwoordig was.

* * *

Verlede week het Lavenir ook hul jaarlikse funksie gehou en wel in die vorm van 'n uitvaart (per lorie) na die strand. Vanuit die Kweekskool word verklaar dat dusdanige pogings tot die afkoeling van Lentekoors 'n fout is.

* * *

Op die Sendingbond se afskeidsgeselligheid wat kort gelede gehou is, is die nuwe bestuur gekies met mnr. Treurnicht as voorsitter vir 1942.

* * *

Gedurende die afgelope naweek was mej. Oeloe Vorster van Richmond, voormalige primaria van Huis-van-Niekerk, op Stellenbosch.

* * *

Mev. M. E. Rothman, vise-voorsitter van die A.C.V.V. het voorverlede Donderdag per geleentheid van 'n besoek aan Stellenbosch ook die 3de en 2de jaar Sosiologieklasse ontmoet en toegesprek.

* * *

Mej. Triena Smuts het verlede Woensdag saam met die Kaapse Stadsorkes opgetree.

* * *

Die verlowing van die bekende Matiepaar, Kitty Kok en Siebert Wiid, is onlangs bekend gemaak.

* * *

Nog 'n bekende oud Matie, mnr. Bill de Klerk het sy verlowing met mej. Ena Smith bekend gemaak.

* * *

Mej. H. Holzapfel is gekies as voorsitter van die damestak van die C.S.V.

* * *

Die primarius van P.S.O. is weereens mnr. Eddie Botha.

* * *

As primarius van die Kweekskool is mnr. Piet Verhoef en as sekretaris mnr. Charles Hopkins gekies.

Besture vir 1942.

Die volgende besture vir 1942 is reeds gekies:

Dagbreek Huiskomitee.

Mnre. Tappies Möller, Primarius; Gert Goosen, Nic. Olivier, P. A. Theron, Dawid Snyman, Bob Schebusch, E. J. Celliers, Buks Fouché en Gert le Roux.

Monica Huiskomitee.

Mejj. Louise Pauw, Primaria; Helené Theron, A. de Vos, I. Michau en C. Hurter.

Sonop Huiskomitee.

Mejj. Hettie Lubbe, Barlo Retief, Elise Dürr, Elise van der Spuy, Lettie Jonker, J. Rosseau en A van Zyl. Die Primaria moet nog gekies word.

Die Debatsbestuur.

Mnre. P. O. le Roux, voors.; Gerjo van der Merwe, vice-voors.; Piet v. Niekerk, sekr.; mej. N. Grobbelaar, ass.-sekr.; Danie Moolman, tes.; mej. Rosa Kok, Bettie Gericke en mnr. Konstant de Vos, add. lede.

Die Wetenskaplike Vereniging.

Mnre. C. B. van Wyk, voors.; Piet Zeeman, vise-voors.; A. P. Steyn, sekr.; N. Slabber, ass. sekr.; H. Smit, tes. en mej. add. lid.,

As president vir 1942 is dr. J. O. B. de Villiers gekies.

Die C.S.V.-bestuur, manstak.

Mnre. Leuvenink, voors.; Willem du Toit, vise-voors.; J. v. Vuuren, sekr.; Nic. Treurnicht, ass. sekr.; Jaap de Jager, tes. en D. de Villiers, kring-konvenor.

Die Huishoudkunde Ver.

Mejj. G. J. Louw, pres.; Issie Groenewald, voors.; Sophie Louw, vice-voors.; Marie Loenig, sekr.; Elsa Norval, tes., Elise Hauptfleisch, ass.-sekr.; Erna Soloman en Susan Wesels, add. lede.

Nuwe Christen-Studente-Klubbestuur.

Lid van die pers. van die C.S.V., prop. Liebenberg; Lid van die universiteitspersoneel, dr. Moolman; Kweekskoolstudent, Tappies Möller; Lid van Manstak, Jannie van Vuuren; Lid van Damestak, Aletta van Zyl; Normaalklas, Gerjo v. d. Merwe.

Ons Kapitalistiese Stelsel.

Met die versnelling van produksie vind ons dat in die moderne tydperk, d.w.s. veral gedurende die tydperk vanaf die vorige wêreldoorlog finansiële kapitalisme selfs 'n groter rol begin speel het as wat on; vandag sou wou erken. Groot beleggingsbanke het vinnig ontwikkel en hierdeur die industrie van 'n kontrole van ekonomiese sake verplaas.

Dit het veral meegebring dat 'n paar persone ekonomiese en hierdeur ook ander magte in hande gekry het. Ons vind hierdie toestand van sake vandag veral in vooraanstaande demokratiese lande. As unieke voorbeeld kan die V.S.A. dien waar, volgens Stilman, uit 'n totale bevolking van 132,000,000, driekwart van die nasionale rykdom in 1932 in die hande van 'n paar honderd persone gekonsentreer was, om die geld te beheer soos hulle wil. Rykdom in die V.S.A. was toe reeds so oneweredig gedistribueer dat 'n mens slegs kon wonder waarheen dit gaan. Selfs Roosevelt se „New Deal”-beleid, waardeur hy deur werkgeleenthede te skep en deur hoë salarisse uit te betaal, soveel geld moontlik in omloop wou kry om die buitengewoon hoë getal werkloos te verminder, kan ons nie juis as 'n sukses beskou nie.

Ons sou graag wou weet wat die

Plateprogram vir Sondag-aand, 8.30

(1) Konsert in B mol vir fagot („bassoon”) en orkes—W. A. Mozart (1756—1791).

(2) Hongaarse Rapsodie No. 6—F. Liszt (1811—1886).

(3) Simfonie No. 3 F mol—J. Brahms (1833—1897).

Dit is 'n welbekende feit dat die komponis, Mozart, in sy jeugjare 'n „wonderkind” was. Reeds op vierjarige ouderdom het hy stukke op die klawesembaal uitgevoer, en toe hy vyf jaar oud was het hy al kort stukkie vir dié instrument gekomponeer. Drie jaar later het hy sy eerste twee simfonieë gelewer! Gedurende die laaste paar jaar van sy kort lewe het Mozart die een onstreflike meesterstuk na die ander geskep, en die aandag van die wêreld word vandag só gebind deur die groot werke van sy latere lewe, dat ons teenswoordig feitlik nooit die geleentheid kry om van sy jeugwerke te hoor nie.

Die konsert vir fagot en orkes is so 'n jeugwerk—dit is voltooi in 1774, toe die komponis 18 jaar oud was. Die eerste en laaste dele van hierdie werk is só grappig, dat dit selfs die harnekigste pessimis sal laat lag, en beweeg om sy sorge te vergeet.

Teenoor die uitbundigheid van die eerste en laaste dele, vorm die ingetoë fynheid van die melodieuze middelste deel 'n pragtige kontras.

Die orige twee werke op die program sal ongetwyfeld vir musiekliedhebbers baie bekend wees. Franz Liszt se kleurryke, vurige Hongaarse Rapsodieë kan getel word onder die beste produkte van die romantiek van die neentiende eeu. By die aanhoor van 'n werk soos die Sesde Rapsodie voel 'n mens dat ten spyte van alles wat deesdae omtrent Liszt gesê word, hy tóg nog 'n reusefiguur op musiekgebied bly.

In skerp teenstelling met Mozart, het Brahms tot sy twee-en-veertigste jaar-gewag voordat hy sy eerste simfonie gekomponeer het. Hy het dikwels beweer, dat om 'n simfonie te komponeer ná Beethoven, geen kinderspeletjies is nie. Vandag kan ons met volle vertroue sê dat ten spyte van Brahms se gevoel van minderwaardigheid teenoor sy groot voorganger, hy vier simfonieë gelewer het wat in lyn kan staan met die bestes van Beethoven.

toestand van en veral na hierdie oorlog in Amerika en ander lande sal wees, ja selfs en veral in ons eie land waar nou reeds een-vyfde van die blanke bevolking onder die normale lewenspeil leef. Sal 'n ewerdige verspreiding van die nasionale rykdom moontlik wees, en indien wel, hoe gaan dit gedoen word?

Volgens die hoof myningenieur is daar vir elke blanke persoon in hierdie land £15,000 se waarde aan minerale onder die Rand alleen. Waarom dan so baie armblankes.

Hendrikz BROERS

Die Slagters wat Stellenbosch van VLEIS voorsien.
ONDERSTEUN HULLE.
Onthou—
ANDRINGASTRAAT.

Van Producent aan die Verbruikers.

FORRER BROERS
360 Hoofstraat,
NOODER PAARL.

Vra om ons Pryslys.

Bestellings na alle dele van die Unie.

Wyne, Brandewyne en Likeurs
Bestel by ons vir u volgende huisfunksie, dans of partytjie

Nederlandse Voorgeskrewe Boeke word nou **Teruggekoop**
Vra vir 'n Lys

Matie —
Kersfees —
KAARTJIES
Met Nuwe Universiteits Wapen

4 bewoordinge van
Prof. E. C. Pienaar,
Prof. F. E. J. Malherbe,
Mnr. Ernst van Heerden

Teen 4/6 per dos.
NOU VERKRYGBAAR

C.S.V.-Boekhandel,
Pleinstraat,
Stellenbosch.

DIE STELLENBOSSE STOOMWASSERY

Stuur ons jul Stywe Hemde, Boordjies en Wit Broeke
Tevredenheid Gewaarborg.

Dringende Bestellings word dieselfde dag uitgevoer en afgelewer.

Kragstasie

Foon 338

Merrimanlaan.

Rook Springbok Sigarette.

Op Ons Sportvelde.

Fratse op die Kriekettoer.

(Deur Een van Hulle).

Na 'n uitstappie na Cowie het ons Vrydagmiddag 'n Hokkiewedstryd teen Rhodes se Dammeshokkiespan gespeel en veral as gevolg van Hein se spel 2-0 gewen. Die enigste be-treurenswaardige insident was toe Vat Morkel die aantreklikste lid van hul span onderstebo geloop het en bo-op haar te lande gekom het. Hy hou vol dat hy dit per ongeluk ge-doen het!

JAN LOUW RAAK MOEILIK

Om 7-uur Saterdagmiddag is ons van Grahamstown weg op 'n uiters ver-velige rit na P.E. Die enigste in-teressante gebeurtenis was toe Klaas, Vat, Vlooi Franzsen en Daantjie van der Berg deur hul gemeenskaplike optrede die poging van Jan Louw om 'n meisie met uiters liberale be-skouings alleen in 'n kompartement te kry, laat misluk het.

Maandag het ons teen Oudtshoorn gespeel en 'n baie aangename party-

tjie het op die wedstryd gevolg. Dit het ons egter seer gemaak om te sien hoe Daantjie v. d. Berg weens die feit dat Oudtshoorn sy „Dorp“ is, die een Oros en Lemonade na die ander gesluk het terwyl hy 'n begerige blik gewerp het op die meer lewenskragtige drankies van sy spanmaats.

DIE LAASTE FEES

Die toer het egter sy klimaks be-reik met 'n baie goeie sakie die aand voor ons by Stellenbosch aangekom het. Met die gevolg dat die kaptein van die span om 8.30 n.m. voor die oë van 'n vooraanstaande Tokkelik sonder kunspoot, kaalvoet, in nag-klere en 'n kamerjas 'n reeks op-windende reises op Heidelberg se stasie teen Klaas du Bois gehardloop het!

Maar alle goeie dinge het 'n end en Woensdagoggend was ons weer hier. Nou wil ons egter hulde bring aan Klaas en Vat, die manne wat deur hulle fratse en grappe die toer vir ons die moeite werd gemaak het. Baie dankie!

KNAP BESTUUR

En 'n besondere woord van dank aan ons Bestuurder, mnr. Hans Söhngé. Hy het hom uitstekend van sy taak gekwyt en ons is baie dankbaar vir alles wat hy vir ons gedoen het. Een van die lede van die span het hom na afloop van die toer be-skrif as: „Sommer 'n baie lekker klas van vent!“ Ons dink almal so, en ons hoop dat die besef dat dit so is, vir hom tot 'n mate sal ver-goed vir al sy moeite.

HALDENWANG!

Bak heerlike koek, tert, brood, bolletjies, pasteie en alles wat smaaklik is.

Besoek ons winkel in PLEINSTRAAT.

GEWIGOPEL.

Gewigoptel is een van die sport-soorte wat onder die hoof „Krag-sport“ geklassifiseer word, en is naas stoei, boks, hardloop en swem een van die oudste sportsoorte in die wêreld. In 52 lande van die wêreld is dit 'n erkende sport en sedert 1896 was dit nog altyd 'n nommer op die Olimpiese-spele.

In S.-A. is hierdie sport nog be-treklik jonk. Hoewel dit al vir om-trent 20 jr. hier beoefen word is dit slegs gedurende die laaste 8 jaar dat daar gereeld elke jaar S.-A. kam-pioenskappe gehou word. Die stan-daard het gedurende hierdie laaste 8 jaar so vinnig gestyg dat ons S.-A. gewigsafdelings gunstig vergelyk met dié van ander lande.

In gewigoptel is daar meer as 50 verskillende stote. By die Olimpiese-spele sowel as die wêreldkampioen-skappe word egter net gewedywer in die 3 standaardstote wat bekend staan as die drie Olimpiese stote. Hierdie 3 stote toets die krag op 3 verskillende maniere en elk vereis krag, spoed en balans. Die drie stote is (1) „Met twee hande opdruk,“ 'n stadige beweging; (2) „Met twee hande opstoot“ en (3) „Met twee hande opruk in vinnige stote.

LOMBAARD SE PRESTASIES

Gedurende die laaste twee jaar het 'n paar kêrels in hierdie sport begin belangstel op Stellenbosch. Barnie Lombaard, wat onder leiding van Dr. Obholser daarmee begin het, het dit sekerlik die verstê gebring. Hy het sy hoogste prestasies in 1940 bereik, maar kon nie altyd rekords wat hier opgestel is erken kry nie. In die „met twee hande opstoot“ was sy beste stoot 272 lbs. terwyl die S.A.-rekord op 275 lbs. gestaan het. Hierdie stoot van hom is erken as 'n W.P.-rekord. In die „met twee hande opruk“ het hy 208 lbs. bereik, 3 lbs. swaarder as die S.A.-rekord. Hy het al 304 lbs tot arm-lengte uitgestoot as die gewig met behulp van ander op sy bors geplaas word. Lombaard is die enigste lig-swaargewig in S.-A. wat al meer as 300 lbs. op hierdie wyse opgestoot het.

G.K.U.S.

Die volgende persone dien op die nuwe bestuur van die Gimnastiek-klub:

A. H. du Toit (Voorsitter), J. A. Holtzhousen (Sekretaris), A. J. v. d. Merwe (Asst. Sekr.), F. P. Moller (Tesourier), D. G. Conradie (Addisionele lid).

Die klub het 'n ledetal van 60 persone bereik en is nog steeds aan die groei.

Die bestuur nooi alle belangstel-lendes om die klub 'n besoek te bring en saam te kom oefen. Daar sal veel goed gevind word om te behou.

Formele afrigting word verskaf op Woensdae 4.45 tot 5.45 n.m. en Vry-dae 4 tot 6 n.m.

Korrespondensie.

Inter-Koshuisetery op Juniordag

Die Redakteur,
Die Matie.

Waarde Heer,

Deur middel van hierdie blad wil ek graag 'n verskynsel onder die aandag van die Studente-unie bring wat ek reken redelike beskouing ver-dien. Dit het betrekking op die tus-sen-koshuisetery wat gedurende die laaste paar pare gebruiklik geword het.

Soos bekend is, hou die Juniors elke jaar hulle eetmaal in Dagbreek, Derhalwe word die ander Dagbrekers wat nie Juniors is nie, versoek om vir daardie middag 'n heenkome el-ders te soek. Daar word dan gereël dat hierdie Dagbrekers in groepe verdeel word om by die verskillende dameskoshuise te gaan eet. Nou was dit ongelukkig by meer as een ge-leentheid al die geval dat wanneer 'n mens by die betrokke koshuis aankom waar jy veronderstel is om ete te ontvang, jy daar talle persone aantref wat nie Dagbrekers is nie en in enkele selfs persone wat hoe-genaamd nie aan die Universiteit ver-bonde is nie. Hierdie menere het dan gewoonlik ook al hulle plekke daar ingeneem, sodat baie van die Dagbrekers verplig is om om te draai.

Dié verskynsel op sigself is nog nie so 'n vreeslike sonde nie, hoewel dit nietemin nie te regverdig is nie. Maar wanneer daar by sulke geleent-hede by die dameskoshuise 'n soort gedrag geopenbaar word wat geen student tot eer kan strek nie, dan voel ek my verplig om te protesteer omdat dit Dagbreek as koshuis ern-stig raak. Hiermee wil ek nie be-weer dat daar nie ook Dagbrekers is wat hulle by sulke geleenthede swak gedra nie, maar swak gedrag kom baie dikwels en miskien veral van die kant van dié mansstudente wat dan daar nie tuis hoort nie. En uit die aard van die saak is dit duidelik dat die kritiek en die blaam neerkom op die hoofde van dié wat dit in werklikheid nie verdien nie.

Meneer die Redakteur, hierdie is 'n toestand wat al herhaalde male voorgekom het. Dit is 'n verskynsel wat blykbaar tot dusver nie die aan-dag van die studente-unie in die al-gemeen en van die damiesstudente in besonder geniet het nie. Ek wil daarom die hoop uitspreek dat ver-betering in die volgende jare sal intree.

Die uwe,

G. S. J. Möller.

DIE JAARLIKSE
HOKKIEDANS
word gehou op
WOENSDAG, 19 NOV.
in die

Banketsaal

Net na die eksamens.
Kaartjies (7/6) kan later verkry word — hou die kennisgewings dop.

Stadler en Ko.,

(Eiens.) Bpk.

DORPSTRAAT.

Die Winkel vir Diens en Kwaliteit — met 'n glimlag.

Kruideniersware—Ysterware Breekgoed en Skryfbehoeftes.

Pyrex en Geslypte Glas.

Agente vir

OLIVER PLOEË.

BOU NIE U HUIS OP SAND NIE.

Wanneer u u toekomsplanne beraam sal u noukeurig te werk gaan.

Lewensversekering is ongetwyfeld die veiligste en ge-riefflikste middel om voorsiening te maak vir geldelike sekuriteit vir uself en u familie op u ou-dag, of vir u afhanklikes wanneer u te sterwe kom.

Kapitaal oortref £35,000,000.

verseker by

„Die Ou Mutual“

I. J. KRYNAUW,

Agent, Pleinstraat.

ONDERSTEUN

DIE ALOMBEKENDE FIRMA

R. MÜLLER

Eerste vir:

KLAVIERE, DRAADLOOSTOESTELLE EN ALLE ANDER SOORTE MUSIEK-INSTRUMENTE.

Grootste voorraad MUSIEKBOEKE EN MUSIKALE BENO-DIGDHEDE.

Kwaliteit skep Tevredenheid — Tevredenheid — Reputasie.

Spesiale afdeling vir beste

WAPENS EN PATRONE.

R. MÜLLER (Eiens.) Bpk.

PLEINSTRAAT,

STELLENBOSCH.

DIE PÉRELSE STOOMWASSERY

Kom laat die Firma wat die beste dienste lewer u ook bedien.

Eienaar:

Mnr. W. Marsh.